

Vg
1491



Q.H. 209 (116)

III, 794

Q.H. 209, 16.

Mat. 3, 794







**Eine Ermahnung vnd
Gebet / wider den Papst vnd sei-
nen Anhang.**

Niclas von Amstdorff.



**Gedruckt zu Thena / durch Dona-
tum Richzenhayn. Anno
1562.**



Allen fromen Christen/

die Gottes wort lieb haben/ Sonderlichen
den Kriegsleuten/ Wündsch ich Niclas von
Amisdorff Gottes Geist vnd Gnade.



Derweil ikund die Zeit/ wie
ichs acht/ vnd sich zwar allenthal-
ben an sehen lest/ vorhanden ist/
Das Gott vnser lieber Herr vnd
Vater vns durch Gog vnd Ma-
gog (wie Ezechiel vnd Johannes
weissagen) vmb vnser grossen sün-
den vnd vndanckbarkeit willen/ heimsuchen vnd straf-
fen wil/ Wie er den ikund durch den Papst vnd seinen
anhang anseheth vnd fürhabens ist/ Christliche Po-
tentaten/ auch die Augsburgisch Confession vor-
wanten/ Stende/ mit Krieg vnd heres krafft/ allein
darumb anzugreifen vnd zu vberziehen/ Das sie Got-
tes allein seligmachendes Wort vnd die reine Lere des
Euangelij angenommen haben/ vnd dasselbige rein/
Lauter/ Klar vnd vnverfalscht Predigen vnd verkün-
digen lassen/ Damit er gnugsam zuuor stehen gibt/
Was er im sinne hat/ Nemlichen/ das er solch Gottes
wort vnd die reine Lere des Euangelij nicht allein bey
denselbigen Potentaten zu hindern vnd weren/ Son-
dern

Amisdorff
Amisdorff

der auch bey vns deudſchen vnterzutrucken vnd auß-
zurottē willens iſt/ Auff das er ſeine groſſe vnmēſſige
gewalt/ Pracht vnd Herrligkeit erhalte/ vñ ſeine miß-
brauch vnd Ketzereien/ Ceremonien vnd andere falſche
Gottesdienſt vorteidige/ handhabe vnd ſchütze/ Der-
halben ermane ich euch alle / in Chriſto Iheſu vnſern
lieben HErrn/ vñ bit euch vmb ſeines bitteren leidens
vnd ſterbens willē/ ſo jr anders wollet ſelig werden/
Das jr in keinen weg dem Papſt vnd ſeinē anhang/
Es ſeind wer ſie wollen/ wider gemelte Chriſtliche Po-
tentaten / noch die Augſpurgischen Confession vor-
wanten zu dienen/ Euch bewegen laſſet. Den ich ſage
euch in der warheit Iheſu Chriſti vnſers liebē Herrn
Das alle die / ſo wider obgemelte Chriſtliche Potens-
taten vnd Stende dienen/ ſechten/ oder ſtreiten/ Die
ſtreiten wider Iheſum Chriſtum vnſern lieben Hei-
land vnd Seligmacher / Sie dienen vnd ſtreiten wi-
der Gottes wort vnd das heilig Euangelium/ Ja wi-
der Gott ſelbſt vnd den heiligen Geiſt / vnd dienen
dem Teufel vnd ſeinen Antichriſt/ vnd helffen alle Irr-
thum/ greuel/ vnd Ketzereien des Papſts ſchützen/
vnd vorteidigen/ vnd Gottes warheit vnterdrucken.

Denn jr alle/ vnd die Papſten ſelbſt/ wiſſen aus
der maſſen wol/ Das dieſelbige Chriſtlichen Potens-
taten vnd Stende/ keine Ketzere ſeind/ ſondern es iſt
nun mehr kund vnd offenbar/ Das ſie nicht Anders
Leren/ Schreiben/ vnd Predigen/ denn Gottes wort
lauter vnd rein/ vnd alle Artickel vnſers Chriſtlich-

n Glaubens / aus vnd nach der heiligen Schrifte
deuten / vnd erklären / vnd mit keinen menschen glos-
sen / wie die Papisten vnd Adiaphoristen / dieselbigen
verfalschen vnd verkeren / Sondern allein bey Got-
tes wort bleiben vnd verharren / Dasselbige lernen
vnd Predigen / Wie die lieben Aposteln / vnd die Erste
Kirche dasselbige gelert / geprediget / vnd gehalten ha-
ben.

Darumb seid Klug / vnd sehet euch wol fur /
Das jr euch nicht bereden lasset dem Papst oder sei-
nen Anhang / wider die berürte Christliche Potenta-
ten / vnd Stende zu dienen / Denn das ist gewis vnd
einmal war / das der Papst als der rechte ware Anti-
christ / nichts anders im sinne hat / Denn das Reich
Christi zu stören / verwüsten / vnd zu tilgen / Ja ganz
vnd gar auszurotten / willens ist / Wie das seine Hen-
del im vorigen vñ vorgangen krieg / vnd sonderlich die
volgende Thaten klerlich vnd öffentlich ausweisen /
vnd bezeugen / Vnd ist vnd mit seiner Kriegs werbung
vnd Rüstung so er wider die Christlichen Potenta-
ten vnd Stende wie gemelt / vornimpt / öffentlich an-
tag gibt.

Welchs alles dahin gestiftet vnd gerichtet ist / sei-
nen Antichristischen Glauben vnd Religion (als
nemlich / die opffermess / das anruffen der heiligen /
von Seelen im Fegfeuer / welchs alles von den Hei-
den her kompt vnd erdicht ist) widerumb auff vnd an-
zurichten / vnd der Christlichen Potentaten vnd Stē-
de Reo

de Religion vnd Glauben / das ist / Christum vnd sein
Euangelium vnterzutrücken / vnd auszurotten. Vnd
dazu helffen nun alle / die dem Papst oder seinen An-
hang wider die Christlichen Potentaten vnd Stende
dienen / Dieselben alle dienen den Teufel / vnd seinen
Antichrist / eben so wol / als sie im vergangen Kriege /
wider die Augspurgischen Confession vorwanten
Stende gedienet / oder geholffen haben / Darnach
mügt jr euch richten / Vnd in die sach also schicken /
Auff das jr ewer Seelen errettet / vnd nicht tieffer in
Gottes Straff / Zorn / Vngnad / vnd Gericht fallet.

Den die zeit ist erbey komen / Das Gottes gericht
vnd Zorn vber den Römischen stul vnd seinen Anti-
christ angehen wil / Das er mit seinen Anhang in feu-
rigen Psul sol geworffen werden / Darumb hütet
euch das jr nicht mit im hingeraffet werdet / Denn
Gott kan vnd wil der grewlichen Gottes lesterung
vnd Tyrannen nicht lenger zu sehen / Das die erkante
vnd bekante Wahrheit / die reine Lere des Euangelij /
lenger vnd so wissentlich vntergedruckt / verdampt /
vnd versolget / Vnd des Römischen Antichrists Lüg-
gen / Irrthum vnd Abgöttereien so mutwillig vortel-
diget / Geschützt / vnd gehandhabet werden / Darumb
mus Gog vnd Magog / wie Ezechiel weissagt / mit sei-
ner grossen vnzelichen menge / Das ist des Papst
hülff vnd Anhang in der Christenheit er-
schlagen werden / Gott geb das es
bald geschehe. Amen.

A iij

Dar

arumb so lasset vns einmütig / Vnd mit
einem munde mit einander beten / vnd
Gott mit ernst anruffen vnd bitten.

GEHEH! Gott Himlischer Vater / ein
Gott alles Trosts / vnd ein Vater aller Barm-
herzigkeit / Wir haben gesündigt / vnd dich
höchlich erzörnet / vnd die Straff aus der massen
wol verdienet / Wir bitten dich durch deine grundlose
Barmherzigkeit / Du wollest die Straff gnediglich
wenden vnd auffheben / Sder je lindern / vnd vns bey
deinem Wort / vnd dein Wort bey vns / gnediglich
erhalten / Vnd dem Papst mit seinem Anhang steu-
ren vnd weren / Das sie nicht iren Freuel vnd mut-
willen mit vns treiben / vnd deine Warheit die reine
Lere des Euangelij vnterdrücken / vnd deine Kirchen
augrotten lassen / Du wollest im auch steuren vnd we-
ren / Das er den ickigen Lauff des Euangelij / So
durch Gottes gnade bey Christlichen Potentaten an-
gehet / nicht hindere noch auffhalte / Sondern dersel-
bigen Kirchen gnediglich helfen vnd beistehen / vnd
dein angefangen Werck in jr vnd durch sie gnediglich
en ausführen vnd volbringen. Vnd jr trewe / frome Les-
rer / Pfarrherr vnd Prediger / trewe / reine Diener dei-
nes Worts senden vnd geben / Das sie deine Kirchen
daselbst dir bawen / Pflanken / vnd begiessen helfen /
Auch denselbigen Potentatē trewe / frome / Gottfur-
tige Rechte geben / die nichts den Gottes Ehr / der
te Se

e Seligkeit vnd des Reichs fromen vnd nutz |
Gib inen auch / vnd allen Iren helffern wider de
Papist vnd seinen Anhang / Herk / sterck / Mut
Krafft / Glück / Heil / vnd Sieg dir zu Ehr vnd
Das dein Nam / in aller Welt oberall geheiligt
des Papsts Name mit seinem Römischen stuel
zu schanden / gestürzt / vnd vntergedrückt
werde / Durch Ihesum Christum
deinen lieben Son vnsern
HERRN / Amen.





19. 1491. 6M


ULB Halle 3
003 570 959



N.C.







Farbkarte #13

B.I.G.

Eine Ermahnung vnd Gebet/wider den Papst vnd sei- nen Anhang.

Niclas von Amstdorff.



Gedruckt zu Jhena / durch Dona-
tum Richzenhayn. Anno
1562.

